

道光鄆陵縣志卷十六

知縣侯官何鄂聯纂補

人物志三

列女

晉

明穆庾皇后諱文君潁川鄆陵人也父琛見外戚傳后性仁慈美姿儀元帝聞之聘爲太子妃以德行見重明帝卽位立爲皇后冊曰妃庾氏昔承明命作嬪東宮虔恭中饋思媚軌則履信思順以成肅離之道正位闈房以著協德之美朕風罹不造災異在茲羣公卿士稽之往代僉以崇嫡明統載在典謨宜建長秋以奉宗廟是以追述先德不替

舊命使使持節兼太尉授皇后璽綬夫坤德尚柔婦道
姑崇柔盛之禮敦益斯之義是以利在永貞克隆堂基母
儀天下潛暢陰教鑒于六列考之篇籍禍福無門盛衰由
人雖休勿休其敬之哉可不慎與及成帝卽位尊后曰皇
太后羣臣奏天子幼冲宜依漢和熹皇后故事辭讓數四
不得已而臨朝攝萬幾后兄中書令亮管詔命公卿奏事
稱皇太后陛下咸和元年有司奏請追贈后父及夫人母
邱氏后陳讓不許三請不從及蘇峻作逆京都傾覆后見
逼辱遂以憂崩時年三十二后卽位凡六年其後帝恩
無極贈琛驃騎大將軍儀同三司母邱氏安陵縣君亮
荀氏永寧縣君何氏建安縣君亮表陳先志讓而不受

后妃傳

廢帝孝庾皇后諱道憐潁川鄢陵人也父冰自有傳初爲東海王妃及帝卽位立爲皇后太和六年崩葬于敬平陵帝廢爲海西公追貶后曰海西公夫人太元九年海西公薨於吳又以后合葬于吳陵

同上

五代

馬苑氏馬希萼妻希萼將攻希廣苑氏諫曰兄弟相攻勝負皆爲人笑不聽苑氏泣曰禍將至矣吾不忍見也赴井而

死

五代史馬希廣傳

明

張氏邑民榮源妻生子衮二歲源卒張年二十三翁姑皆老

家貧甚有勸其改適者張泣曰親老子幼有他志安有笑
賴不聽紡績自給養老送終撫衾成立年踰六十終景泰
四年知縣康禪上其事旌之

以下見
施志

劉氏贈尙書海女生員曹詔妻也詔入太學挈家寓京師偶
出郊遇盜被戕家人歸告劉一慟幾絕遂昇詔至號舍親
舐血以歛攜幼子金扶櫬歸葬誓守節截髮毀容不履戶
閭里人欲表其節劉輒泣止之曰吾志也豈市寵邪嘉靖
八年旌表

王氏牛萃妻 劉氏邑民鉞女

以上俱正德七年奏旌貞烈

孫氏監生牛華妻 王八生員鄭詒妻

以上俱知縣馮壽申請督學旌表

徐氏范湖妻 周氏生員刻古妻

陳氏少叅溥孫女廬江令軒尙朱次子載妻也十四歸載十五生子驥載亡以死決者數父母曰死易耳如遭難何盡共存之氏撫養教訓備極諸難驥弱冠補邑庠年三十復不祿遺子裕仁甫二月陳恩勤如驥裕仁亦補邑庠撫孤二世茹苦一生巡按旌之

張氏梁玉妻玉高才年十五爲諸生久不得志放于酒死遺孤範甫四齡家貧姑孀張事姑課子常獨處一室歷節七十年九十五終

陳氏張大正妻正卒陳年十六伯氏爲其年少家貧欲令改

適陳矢志不貳伯氏嘗志曰家常喫飯用一根菜從何處
來陳卽誓不喫菜惟粗糲自給而已遺腹生子萱左手提
孤右手紡績卒成其志壽七十八

馬氏韓賀妻賀卒子應期甫週馬年十九守節撫孤終身勤
苦不倦巡按旌其門壽七十二終應期妻楊氏奉姑尤孝
姑病楊割股肉療之愈鄉里稱一門節孝

杜氏梁可繼妻繼以名諸生早亡杜年十九盡以分產歸夫
兄獨撫二女鍼黹外未嘗預他事其所居庭草不除窄徑
才通人跡卽諸姒不數見也嘗有茶竈十年如新其貞
如此巡按徐一范旌之年七十一終

鄭氏常希臯妻歸常二載而孀年十九一女才八

守聽姑四分其產鄭仰事孀姑俯育孤女內外肅然永葉之操四十年如一日有司表其門

郭氏生員劉製妻幼喪母年十二童養于劉十六合卺製卒遺子三品仙四歲品僑三歲品僑僅六月強宗悍族思假差徭以奪其產者踵相接郭含誥茹辛卒無失墜仙僑皆補邑庠孀居四十年壽七十九終

陳氏張天政妻崇正乙亥賊掠鄆夫妻同匿草間賊搜獲政索金不得被殺陳卽奮出勸罵賊怒並殺之女張氏至哉縫妻賊破城擄王去張誓必死子二歲舅姑慰之不聽使婢伴之乘間自縊人稱母女雙節

劉氏牛之鑄妻年十八有姿儀寇逼欲殺之去劉厲聲罵曰

我良家婦豈從賊邪任汝磔吾賊怒殺之

劉氏舉人常錫印妻錫印爲其父司徒公留滯京邸不遑家
室賊破城劉被執不屈罵賊死之撫按題旌

呂氏吳全綱妻夫妻年六十餘好行善流寇掠邠拷綱金甚
慘呂願代夫死賊殺呂而仍不釋綱有賊識綱者曰此善
人也綱乃得免

張氏常希顥妻崇正甲申夫婦避難河北柳園賊猝至顥急
避張匿不得賊見逼之使隨張詈曰寧死河干不願生以
污吾夫也身被數鎗而死

張氏邠州知州韓凌霄妻居宦室如寒素夫卒以義方訓子
一女適尙書梁廷棟封夫人子光射光庭俱食邑領遺囑

姑喪齊衰三年不見齒妾子光昇待如已出年一百三歲
邑令旌其門

梁氏生員韓斗霄妻少嫻內則年二十七孀四子長數齡少
僅數月氏剪髮矢志姑卒襄事盡禮值亂氏保身護子始
終無失年七十五終子逢吉以理學稱

孫氏生員于文彥妻彥亡翁姑老且病又遭凶年氏竭盡心
力事親撫孤始克保全壽九十三終

韓氏高氏俱劉門婦必齊村人夫名失傳二氏生平周濟困
窮鄉人德之立二節婦祠至今猶存韓之子化麟高之子

四愛見碑記

劉貞姐望田鎮生員國柱女許字某失姓名未嫁夫死有媒

至女聞而泣當夜密縫體上衣自縊死

國朝

王氏武鄉令梁之鯤妻明同知東岱女事舅姑克孝因已病
爲夫娶妾李氏生子璐寇陷鄆從夫與兄公提子姪避地
會城遭河決夫與兄公咸相失氏保護子姪艱難濟岸始
與鯤遇寓輝縣值兄公病卒姪復病氏泣血祈天姪病愈
難定歸里依胞弟鳴球居父子相繼登科氏年九十餘終
李年十七歸鯤佐王勤苦及寇至李適病鯤將移家以李
爲憂李曰事亟矣須急去毋以妾爲念遂以子璐付鯤
血數斗而卒

張氏梁鴻輔妻二十九歲夫沒守節五十年壽八十梁克猷

兄嫂老而無子氏事之如舅姑越三載夫卒氏欲以身殉
嫂知其有遺腹也竭力慰諭之氏亦望延一綫乃強起理
遺事既而生子六勤氏上奉兄嫂下撫遺孤倍加勤劬迨
兄嫂相繼逝含歛卜兆心親視之以六勤爲兄嫂後治家
最嚴諸孫亦皆循謹鄉里賢之守節四十七年現年六十
五

崔氏邑庠生蘇慎修繼室年二十二適慎修越四載夫卒矢
志撫前室女如已出守節三十五年年六十三卒子立本
入監


王氏李興龍妻母家本單門年十九子歸夫家亦無族戚姑及
伯叔俱早逝惟舅在夫卒時惟一女生甫數月氏哀慟欲

以身殉舅泣勸之氏亦念舅老女幼無所依乃勤女工爲
事畜計越七年舅卒氏經理喪葬哀動鄉里女長成于歸
備購簪珥皆氏紡績儲也氏夫族無人乃取外孫平安爲
後守節四十八年現年六十九

張氏蘇懃妻幼嫻儀則寡言笑年十九于歸越二載夫卒氏
矢柏舟節四十餘年無悔意而家人亦克成其志云

馬氏東天保繼室年二十于歸夫沒時舅與姑俱已適姑
年近五旬小郎八齡子生甫一載越二年繼姑病篤氏禱
於神願以身代繼姑竟不起垂沒執氏手泣曰東氏孤無
族黨吾子與汝子俱幼今以付汝矣言訖逝氏哀慟絕而
復甦殯葬如禮氏撫小郎凡衣食昏娶皆與已子同小郎

天貴與妻丁氏事嫂如母子瑞林亦克孝養事叔如父善
皆出於氏之教云守節四十三年年六十八卒



作碑記

補志

劉氏劉國良妻遇暴守節被勒死康熙五十七年旌表

據吳志補

劉氏廩生梁埤妻埤沒氏年二十七家極貧氏經營紡織孝

孀姑生死盡禮撫二子讀書有堂伯乏財遺厚產族議氏

子嗣氏念胞伯炳無嗣力辭之氏貧無定居每遷鄰婦輒

感泣苦節六十餘年長子錫類邑庠生孫發濂拔貢生皆

氏教也雍正三年旌表

王氏武生鄭瑞妻年二十一孀華飾不事奉姑撫子極盡心

力守節五十二年雍正七年旌表

梁氏北梁生員梁珣妻侍御梁熙之妹事親以孝聞冠破鄢

移家共城珣卒於邸其翁亦卒夫之弟甫周氏剪髮矢志

亂定扶柩旋里爲夫立嗣家聲賴以不墜

據吳志補

姜氏張子旺妻旺沒氏年二十四事親撫孤守節四十五年

雍正十一年旌表

據吳志補

劉氏梁壇妻壇沒氏年二十時祖姑與姑俱孀事之盡孝撫

周歲子慈誨兼盡俾入冑學乾隆元年旌表

張氏路日成妻有惡少欲污之不屈雉經死雍正十二年

旌表

據吳志補

步氏于祚永妻永卒氏年二十六時僅舅存氏代夫奉舅撫

二孤成立守志六十餘年乾隆元年旌表

靳氏王錫妻錫卒氏年二十四舅姑皆沒祖父母尙存氏矢

志靡他養生送死無憾艱辛撫子守節五十九年乾隆元

年旌表

姚氏王二酉妻酉卒氏年十九三月後產遺腹子氏奉孀姑

撫幼子守節三十五年乾隆二年旌表

張二姑海女拒強不辱自縊死乾隆二年旌

李氏裴功臣妻年二十夫卒四月後產遺腹子法先時舅姑

皆沒專志撫孤俾入邑庠乾隆三年旌表

韓氏曹光彬妻彬沒氏年少事親撫孤竭盡心力守節三十

五年乾隆三年旌表

谷氏韓樹本妻年十九子歸僅數月本卒氏明大義善持家

姑病臥十餘載其子女皆幼氏代姑撫養恩勤倍至立姪

濟時爲嗣乾隆五年旌表